

## Minaret skoro završen; obnova Ferhadije vrši se po uzusima UNESCO-a

07/06/2012 22:19 by Administrator

Banjalučki muftija Edhem ef. Hamdović kazao je danas u Sarajevu da obnova džamije Ferhadija ide veoma dobro, te da se rekonstrukcija vrši po uzusima UNESCO-a pod njegovom je zaštitom.

Naglasio je da je u toku izgradnja prstena za glavnu kupolu, a i minaret je skoro završen.

"Nedostaje novca, ali banjalučka Ferhadija koja je bila pod zaštitom UNESCO-a bit će obnovljena", kaže Hamdović.

Istaknuo je da predstavnici UNESCO-a kontroliraju obnovu džamije Ferhadije te nenajavljeno dolaze da utvrde da li se radi po njihovim uzusima, a Hamdović kaže da su izrazili zadovoljstvom radovima na džamiji.

Banjalučki muftija je naglasio da je Ferhadija oduvijek slala poruku mira, vjere, suživota, dodajući da ne treba nikada zaboraviti da je 1941. godine "kada je Evropa drhtala pod izumom fašizma, kod tadašnjeg imama Ferhadije nikla ideja da se pišu peticije za zaštitu Jevreja, Srba, Roma i ostalih dobrih ljudi".

"Nažalost, nije joj se to vratilo. Srušena je. Ipak mi trebamo ići u pravcu suživota i povjerenja, da živimo jedni s drugima, a ne jedni pored drugih", kazao je danas novinarima u Sarajevu banjalučki muftija Edhem ef. Hamdović.

Izvor vijesti: Klix.ba